

La Sisile (1)

(1999)

In te viarte la matine, tal salustri
cuièt il cjantà d'une sisile, ben si sint
atôr par dût e di lunç di che
contrade, jè e sparnize il so bundi
duç e clame che si svein e ur dîs di
no durmî.

La sisile cjantarine che no mole un
sôl moment, la cjantose galandine, e
fâs vivi il cûr content tant e rint il
bòn umôr, pur jessint in tal lavôr e
plui ben al passe il dì, se continue a
fa cussì.

*Svole svole, svole vie
zire salde dulintôr*

Poesie e Racconti Friulani

*cjante simpri sisilute
cjante legre cun amôr.
La to cjante ben cjarine
il grant bati d'ogni cûr
tant regale simpatie
chel svolà dal nît e fûr.*

Sul so nît la sisilute no si sint di stà
cuiete, e jè che clape pitinine, cu lis
bocjs simpri in spiete, lôr son saldis
protestà, se ritarde tal rivà, la
marute indafarade, cul bocon dal lôr
magjà.

Ogni dì ch'al passe vie, cressin ben i
sisilùs àn lis plumis ben nudrîdis, in
tal puest di chei pelùs e lis alis
vonde fuartis, ormai prontis par

Poesie e Racconti Friulani

svolà, che la mari premurose, a ul
fàju ancje provà.

Lavoròn pè sisilute, pronte a falu
cun bon sen insegnaur ai sisilus, che
tal cîl si svolle ben stant atents di
no stracàsi, imparant cemût zirà
par no là imberdeâsi, tal pericul e
tal colà.